

Бучлантала литературала шайчирти багьудлуми ва бурсидешуни кьиматладирнила нормаби.

Урга даражала школала хьулчилидиубти бяхичибизуни хлясибли гьайла жавабти ва сочинениебачи гьаладирхьути тлалабуни гляхлад кьадарла дарсдиубли сари.

Нормабазиб бурни хлясибли, дяркьурти произведениебала идеяла - художестволаси мяглна аргъили биэс глягнили саби.

Цазаманализиб лайикьси пикри бяхичиаэс глягнибиркур дурхланала адабла кьиликьуни кадилзниличи, искусствола произведениебас эстетикалашал бахьси кьимат бедес балниличи.

Кьиматунала нормабази бегл гьалар кадурхути сари 5-7 классунала дурхлини кьалабали бучлиничи цаургарти тлалабуни. Илдани дурхлини кьалабали бучлиничи бурсибарнила шайчибсимуглялимла гьар бархлила бузерилизиб лайикьси мер бурцу.

Ашкарличи мешули, кьалабали бучлини бархьли ва сакъахьили бучлиниличил уржили бархбаси биэс чебиркур.

Сочинение кьиматлабирухлели, пикрилизи кайсес чебиркур план лебни ва ил хлясибли тема мурхьли арзни.

Багьудлуми ва барсдешуни ахтардидирнила хьулчибиубси мурад бучлантани литература балнила даража кабизахъни ва илдас программала тлалабуни хлясибли лайикьси кьимат бедни саби.

Дурхланала багьудлумас кьимат бедлугухлели, илдала пикри бяхичиаэс чебиркурлитературала ва искусствола произведениебас лайикьси кьимат бедес балниличи, илдала бяркьла даражаличи.

Класслизир муглялимла кумекличил дяркьурти яра чула чули делчлунти литературала произведениебала анализ бирухлели, муглялимли хаслира чихьси кьимат бедлугес чебиркур программала тлалабуни хлясибли дагьес хляжатти литературала теорияла шайчирти багьудлумачи хьарихьули анализ барес балнилис.